



Na osnovu Zaključka o davanju saglasnosti na Program utroška sredstava na poziciji „Tekući transferi pojedincima-Tekući transfer za naučnoistraživačku djelatnost“ Budžeta Zeničko-dobojskog kantona za 2023. godinu, broj: 02-11-5919/23 od 11.04.2023. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

**JAVNI KONKURS
za dodjelu sredstava za sufinansiranje troškova odbrane doktorskog rada**

Pravo učešća na javnom konkursu imaju:

- državljani Bosne i Hercegovine,
- osobe s prebivalištem na području Zeničko-dobojskog kantona,
- kandidat koji je odbranio doktorski rad u periodu **od dana objavljivanja** Javnog konkursa za dodjelu sredstava za sufinansiranje troškova odbrane doktorskog rada 11.10.2022 (u listu Naša riječ i Oslobođenje) **do 31.12.2022. godine**
- kandidat koji je odbranio doktorski rad u tekućoj 2023. godini ili ima odlukom Senata zakazan datum odbrane doktorskog rada **do dana isteka roka za podnošenje prijave po ovom javnom konkursu.**

Pravo učešća na javnom konkursu nemaju kandidati koji su ostvarili pravo na sufinansiranje troškova odbrane doktorskog rada od javnog sektora (općina/grad, Kanton, FBiH, BiH, fondovi, ministarstava i javna preduzeća) ili su oslobođeni predmetnih troškova od strane visokoškolske ustanove na kojoj su stekli ili će steći zvanje doktora nauka.

Kandidati koji se prijavljuju za sufinansiranje troškova odbrane doktorskog rada trebaju dostaviti:

- kratku biografiju s obaveznim sljedećim podacima: ime i prezime, adresa, kontakt telefon, podaci o visokoškolskoj ustanovi na kojoj je kandidat stekao ili će steći zvanje doktora nauka, kao i naučna oblast kojoj pripada doktorski rad,
- uvjerenje, odnosno, diplomu o sticanju zvanja doktora nauka ili Odluka Senata o zakazanom datumu odbrane doktorskog rada- (**najkasnije do dana isteka roka za podnošenje prijave po ovom javnom konkursu**),
- potvrdu fakulteta o troškovima prijave i odbrane doktorskog rada,
- prijavu prebivališta (CIPS),
- uvjerenje o državljanstvu,
- potvrda banke koja sadrži podatke o broju bankovne kartice i broju tekućeg računa na koji se mogu uplatiti sredstva,
- ovjerenu izjavu da kandidat nije ostvario pravo na sufinansiranje troškova odbrane doktorskog rada od javnog sektora (općina/grad, Kanton, FBiH, BiH, fondovi, ministarstava i javna preduzeća) i da nije oslobođen predmetnih troškova od strane visokoškolske ustanove na kojoj je stekao ili će steći zvanje doktora nauka,
- ovjerena izjava kandidata na javnom konkursu o pristanku korištenja ličnih podataka u svrhu javnog konkursa.

Tražena dokumentacija se dostavlja u originalu ili ovjerenim kopijama i ne vraća se kandidatima.

Nepotpune i neblagovremene prijave neće biti razmatrane.

Prijavom na javni konkurs kandidati se slažu da se njihovi lični podaci mogu koristiti isključivo za potrebe javnog konkursa.

Javni konkurs je otvoren 15 dana od dana objavljivanja.

Prijave sa traženom dokumentacijom dostaviti (sa napomenom za Javni konkurs za dodjelu sredstava za sufinansiranje troškova odbrane doktorskog rada) na Pisarnicu Zeničko-dobojskog kantona ili putem pošte preporučeno na adresu:

**Ministarstvo za obrazovanje, nauku, kulturu i sport Zeničko-dobojskog kantona
Kučukovići 2, 72 000 Zenica**